



KOALICIJA ZA
MOSTAR 2020

SDA - SBB - DF - SBIH - BPS

**IZBORNA PLATFORMA
KOALICIJE ZA MOSTAR 2020**

Na osnovu programskih dokumenata stranaka „Koalicije za Mostar 2020“, te polazeći od aktuelnog stanja vezanog za reorganizaciju Grada Mostara, sagledavajući stanje u svim oblastima života i rada u Gradu Mostaru, identifikujući probleme i nedostatke u radu Gradske uprave, s ciljem otklanjanja uočenih slabosti, te uspostave gradske administracije u skladu s evropskim standardima i uređenja Grada Mostara kao kulturnog, ekonomskog, privrednog, sportskog i turističkog središta Hercegovine, mi u Koaliciji za Mostar 2020 – SDA, SBB, DF, SBiH, BPS-Sefer Halilović nudimo izbornu platformu kojom su obuhvaćene sve oblasti koje je neophodno dodatno urediti kako bi Mostar bio Grad kakav zaslužuju njegovi građani.

IZBORNA PLATFORMA

„KOALICIJA ZA MOSTAR 2020“

I JAVNA UPRAVA – MJESNA SAMOUPRAVA

Grad Mostar mora biti organizovan kao jedna, nedjeljiva jedinica lokalne samouprave, administrativno, privredno i kulturno središte Hercegovine sa svim prerogativima Grada u smislu Evropske povelje o lokalnoj samoupravi i važećih propisa države Bosne i Hercegovine. Mostar u budućnosti mora biti stabilan i siguran grad, prepoznatljiv po demokratskim standardima i međusobnom uvažavanju svih etničkih grupa i građana koji u njemu žive u skladu s načelima i standardima po kojima funkcioniraju moderni evropski gradovi kojima Mostar, po svojim municipalnim vrijednostima, kosmopolitizmu i duhovnoj i materijalnoj baštini, i pripada.

Potpisnici ove platforme će podržati izmjene Statuta Grada Mostara i otkloniti nedostatke koji su uočeni u njegovoj primjeni.

Zalagat ćemo se za sljedeće:

- analizirati postojeću sistematizaciju radnih mjeseta u Gradskoj upravi, te predložiti Gradskom vijeću izmjenu i dopunu ili novu sistematizaciju;
- ukupna popuna državnih službenika treba biti u skladu s etničkom zastupljeničću prema popisu stanovništva iz 1991. godine, mora se i dalje dograđivati osiguravajući taj princip unutar svih službi kako bi se izgradilo potpuno povjerenje građana u rad službi Uprave;
- uspostaviti elektronski oblik komuniciranja stranaka i organa Uprave kroz web city platformu te zaprimanje podnesaka u elektronskoj formi na glavni protokol Grada koji je povezan sa protokolom gradskih područja i s njim čini jednu cjelinu;
- vođenje upravnog postupka u elektronskoj formi na osnovu principa efikasnosti i ekonomičnosti.

CILJ

Rješavanje podnesaka u zakonskim rokovima, efikasno upravljanje imovinom grada kroz izradu registra imovine i infrastrukturnim sadržajima (zelene površine, pješačke, saobraćajne i druge površine).

- unaprijediti sistem e-uprave kako bi se pojednostavio način dobijanja potrebnih dokumenata i informacija;
- otvoreno i transparentno praćenje administrativnih procesa i postupaka;
- pojednostavljivanje postupaka pružanja usluga u funkciji podrške ekonomskom razvoju;
- revidirati gradske propise ili donijeti nove s ciljem postizanja bolje efikasnosti u rješavanju zahtjeva poslovnog sektora;
- izdavati publikacije i vodiče za potencijalne investitore;
- unaprijediti primjenjivost principa rješavanja zahtjeva građana u zakonski propisanom roku;
- proceduralna pravičnost, koja podrazumijeva hronološki rad u rješavanju zahtjeva građana;
- jednak odnos prema strankama od strane organa Uprave;
- uspostavljanje principa transparentnosti konkursne procedure kod izbora najuspješnijeg kandidata;
- sprečavanje utjecaja politike na administraciju, s ciljem izbora sposobnih a ne podobnih;
- kontinuirano informisanje građana o svim aktivnostima koje se odnose na poboljšanje kvaliteta njihovog života.

Radit ćemo na provedbi reformi lokalne uprave, insistirat ćemo na funkcionalnom i institucionalnom jedinstvu Grada Mostara, uz daljnji razvoj i jačanje mjesne i lokalne samouprave u gradskim područjima i mjesnim zajednicama. Osnova za takvo djelovanje bit će pozitivna iskustva učešća građana u odlučivanju o lokalnim interesima i poslovima, kao i evropski standardi koje smo u periodu priprema za ulazak u Evropsku uniju dužni uspostaviti.

Potrebno je regulisanje mjesne samouprave u Statutu Grada Mostara u skladu sa Zakonom o principima lokalne samouprave.

Također, potrebno je uraditi novu mrežu mjesnih zajedница, s obzirom na to da većina naselja po broju stanovnika zahtjeva postojanje mjesne zajednice.

II BUDŽET

Budžet mora biti analiziran i redizajniran kako bi iskazivao stvarne politike Grada Mostara, u skladu s čim je potrebno:

- analizirati Odluke koje je donijelo bivše Gradsko vijeće u segmentu zakonitosti: visine naknade (smanjenje ili povećanje), kalkulacija o ekonomskoj opravdanosti i stepenu realizacije-naplate. Omogućiti plaćanje svih neplaćenih obaveza parafiskalnih namera prema fizičkim, pravnim i privrednim subjektima, u mjesecnim ratama do kraja 2021. godine;
- izraditi Strategiju Grada Mostara kojom se određuje smjer razvoja Mostara u smislu infrastrukturnog uređenja, privrednog, ekonomskog i ekološkog razvoja koji predstavlja osnovu za drugi zakonski dokument - Dokument okvirnog budžeta iz kojeg se crpe podaci za izradu budžeta za narednu godinu;
- sačiniti detaljnu analizu stanja devastiranih objekata koji su u vlasništvu Grada Mostara, utvrditi prioritete i projektne zadatke, iz raspoloživih sredstava, na osnovu naknade iz najma poslovnih prostora koje izdvaja 40% od cijene najma i drugih fondova i usmjeriti sredstva na rekonstrukciju i obnovu;
- za objekte u privatnom vlasništvu ili vlasništvu privrednih subjekata donijeti odluku kojom će biti definisana izgradnja ili demolicija devastiranog objekta, a ukoliko se ne ispune utvrđene obaveze, objekat ukloniti i naplatiti od vlasnika imovine;
- izvršiti utvrđivanja gradske imovine; imovinu treba procijeniti i evidentirati u poslovnim knjigama uz procjenu sudskog vještaka;
- pokrenuti postupke raspisivanja tendera za dodjelu građevinskog zemljišta u skladu s urbanističkim planovima koje je donijelo Gradsko vijeće. Ovaj postupak staviti u prioritete, jer su fondovi gradskih područja iscrpljeni, tako da neće biti sredstava za investiranje u infrastrukturu;
- osigurati davanje u zakup na korištenje poljoprivrednog zemljišta.

III OBRAZOVANJE I KULTURA

Obrazovanje

Saglasni smo da u saradnji s višim nivoima vlasti u BiH radimo na unapređenju uslova i poboljšanju kvaliteta rada u ustanovama obrazovanja i kulture, te unapređenju studentskog standarda s ciljem prepoznavanja Mostara kao studentskog centra regije.

S ciljem potpune integracije Grada Mostara i obnove tradicije multietničkog života, insistirat ćemo na reformi obrazovnih institucija u smislu da sve škole budu otvorene za sve učenike i nastavnike grada Mostara pod jednakim uslovima.

Zalagat ćemo se i za:

- osiguranje jednakog i kvalitetnog odgoja i obrazovanja za svaku dijete na svim nivoima odgoja i obrazovanja: predškolskog, osnovnoškolskog i srednjoškolskog u skladu s nadležnostima Grada Mostara;
- učešće u izradi zakonskih i podzakonskih akata za sve nivoe obrazovanja kao osnove za rad u sistemski uređenom Gradu Mostaru;
- ulaganje u izgradnju i održavanje vrtičkih i školskih objekata i njihovo opremanje;
- obuhvatanje većeg broja djece predškolskim odgojem i obrazovanjem;
- uključivanje sve djece u redovan nastavni proces osnovne škole, a to podrazumijeva i djecu koja su na marginama društva
- promociju deficitarnih zanimanja uz motivisanje učenika za određena zanimanja neophodna razvoju privrede Grada Mostara i šire;
- podržavanje eksterne provjere učeničkih postignuća kroz opremanje škola i pomoći učenicima u opremi neophodnoj za rad u skladu s razvojem informacijskih tehnologija.

Predškolski odgoj i obrazovanje

Insistirat ćemo na donošenju zakona o predškolskom odgoju i obrazovanju i na taj način stvoriti jednake uvjete za svu djecu u godini pred polazak u školu.

Izgradit ćemo objekte dječijih vrtića u naseljima Vrapčići i Centar II i na gradskom području Jugoistok.

U saradnji s višim nivoima vlasti zalagat ćemo se za utopljavanje, tj. realizaciju projekata povećanja energetske efikasnosti u vrtičkim objektima na području Grada u kojima ti projekti nisu do sada realizirani.

Osnovnoškolsko i srednjoškolsko obrazovanje

Radit ćemo na obnovi ranijeg Elektromontažinskog školskog centra - EMŠC i na taj način osigurati izmjehanje Srednje elektrotehničke škole iz objekta VI osnovne škole te izmjehanje Srednje elektrotehničke škole „Rudjer Bošković“ i Srednje strojarske škole „Faust Vrančić“ iz neodgovarajućih školskih objekata koje sada koriste.

Osigurat ćemo završetak radova i opremiti objekat Muzičke škole i na taj način stvoriti učenicima i profesorima odgovarajuće uvjete za muzičko obrazovanje, a istovremeno stvoriti uvjete da Muzička/Glazbena škola postane centar muzičke izvrsnosti.

Osigurat ćemo sredstva i izvršiti nadogradnju školskog objekta Osnovne škole „Vrapčići“ i učenicima i nastavnicima ove škole osigurati odgovarajuće uvjete za obrazovanje u skladu s pedagoškim standardima.

Zalagat ćemo se za to da se u svim osnovnim školama, u kojima za to postoje uvjeti, organiziraju produženi boravci s ciljem brige o dječi-učenicima razredne nastave i na taj način pomogne i djeci i zapošlenim roditeljima.

Zalagat ćemo se za ugradnju sistema videonadzora u svim školama u kojima nije instaliran navedeni sistem.

Neophodno je raditi i na unapređenju studentskog standarda. U skladu s tim, predložit ćemo donošenje nove odluke o kriterijima i postupku stipendiranja studenata i povećanje sredstava u Budžetu Grada

Mostara potrebnih za stipendiranje studenata, posebno studenata s otežanim uslovima života te s višim nivoima vlasti osigurati završetak objekta studentskog doma „Džemal Bijedić“ u Mostaru.

Kultura

Izradit ćemo Strategiju razvoja kulture u Gradu Mostaru na sljedećim principima:

- kultura dostupna svim građanima Mostara;
- veća finansijska izdvajanja za ustanove kulture čiji je osnivač Grad Mostar
- planski i jedinstven način finansiranja najvažnijih kulturnih manifestacija Grada Mostara kao što su: (Festival "Mostarsko ljeto", Street art festival, književni festival "Poligon", Šantićeve večeri poezije, Šantićev festival djece pjesnika, Teatarski festival komedije "Mostarska liska", Mostar blues/rock festival, Festival "Mostarsko proljeće - Dani Matice hrvatske", Mostar Summer Fest, MO STARS MEDITERAN OPEN DANCE...);
- finansiranje redovnog održavanja Partizanskog groblja kao nacionalnog spomenika BiH;
- zaštita nacionalnih i religijskih spomenika;
- kroz obrazovni sistem izvršiti kulturnu edukaciju;
- ponovna uspostava radiotelevizijskog javnog servisa Grada Mostara.

IV MLADI, SPORT I REKREACIJA

Mladi

Planski, aktivno i dosljedno se zalagati za poboljšanje životnog standarda, s posebnim osvrtom na povećanje nataliteta i stvaranje ambijenta za ostanak mladih usvajajući niz mjera koje su u nadležnosti Grada.

Kreiranje i realizacija kvalitetne i djelotvorne Strategije za mlade koja će se donositi na godišnjem nivou i uključivati sljedeće strateške ciljeve:

- stambena politika; osobama od 18 do 35 godina omogućiti rješavanje stambenog pitanja putem zakupa uz obavezu kupoprodava-

- je stana ili subvencioniranje stambenog kredita za mlade;
- razvoj programa dokvalifikacije i prekvalifikacije mladih osoba s ciljem popunjavanja deficitarnih radnih mjesta;
 - kreiranje Fonda za stipendiranje učenika i studenata deficitarnih zanimanja (50% učešća grada i 50% učešća privatnih kompanija) s ciljem kasnijeg zapošljavanja navedenih studenata i učenika u državnim institucijama/privatnim kompanijama na najmanje godinu dana;
 - start-up paketi za mlade koji bi podrazumijevali prostorije za mlade u okviru kampusa Univerziteta, inicialni novčani iznos za pokretanje biznisa u iznosu od 5.000 KM, kao i pravno i ekonomsko savjetovanje pri osnivanju;
 - ukidanje svih gradskih nameta pri osnivanju mikropreduzeća;
 - izmjena i dopuna Pravilnika o stipendiranju;
 - povećanje budžeta za projekte mladih;
 - stvaranje uvjeta za kreativno korištenje slobodnog vremena i pružanje podrške radu formalnih i neformalnih grupa mladih koje organiziraju kulturne, sportsko-rekreativne i ekološke aktivnosti;
 - razvoj različitih programa pomoći za populacije kao što su osobe s invaliditetom, samohrane majke, osobe koje su imale iskustvo s kriminalnim radnjama, ovisnici o drogama i sl.
 - uključivanje mladih u organizaciju i ocjenu kvaliteta kulturnih i drugih događanja na području Grada (članove komisija ili žirija);
 - aktivnije učešće Vijeća mladih Grada Mostara.

Sport

Potrebno je odlučno i sistematski pristupiti rješavanju krize u sportu s kojom se suočava naš grad.

Mjere i aktivnosti usmjerene ka rješavanju osnovnih problema u sportu uključuju donošenje dugoročne strategije za razvoj sporta Grada Mostara u koju će biti uvršteni sljedeći ciljevi:

- transparentan i efikasan način finansiranja svih sportskih klubova i sportskih udruženja;
- promovisanje bavljenja sportom za sve generacije;
- izgradnja centralne gradske dvorane;
- izgradnja biciklističkog parka i biciklističkih staza i ujedno staze za vozače e-romobila;
- potpuna rekonstrukcija i adaptacija Gradske banje koja je data na korištenje Plivačkom klubu "Velež" i Plivačkom klubu "Orka";

- sufinansiranje najperspektivnijih sportistica i sportista Grada Mostara i sportske škole najmladih dobnih skupina;
- organizacije državnih, memorijalnih i međunarodnih sportskih takmičenja te odlazaka ekipa i pojedinaca na velika međunarodna sportska takmičenja;
- sufinansiranje najvažnije sportske manifestacije “Skokovi sa Stariog mosta”;
- povećanje sredstava u Budžetu Grada Mostara za Sportski savez Grada Mostara (ojačati ga u materijalnom i kadrovskom smislu);
- formiranje jedinstvenog preduzeća za upravljanje svim sportskim objektima Grada;
- povratak građana obalama Neretve – izgradnja šetnice uz Neretvu;
- uređenje vodotoka Radobolje: zona sporta i rekreatcije;
- uređenje rekreatcione zone Bune i Bunice;
- izgradnja rekreatcione zone Aqua park Vrapčići, Rujišta.

V SOCIJALNA POLITIKA I ZDRAVSTVO

U oblasti socijalne politike i zdravstva potrebno je:

- obezbjediti maksimalnu podršku sektoru zdravstva u aktivnostima vezanim za sprečavanje širenja epidemije COVID-19;
- poduzeti aktivnosti za preuzimanje osnivačkih prava Grada Mostara za Dom zdravlja "Stari Grad" Mostar (zbog nepostojanja Gradskog vijeća privremeno su preuzeta osnivačka prava od strane Skupštine HNK);
- uraditi dislokaciju Službe Hitne medicinske pomoći, a nakon toga i uprave Doma zdravlja "Stari Grad" na lokaciju Sjevernog logora u skladu s regulacionim i urbanističkim planom;
- pojačati podršku funkcioniranja domova zdravlja u smislu nabavke neophodne opreme te pomoći pri stipendiraju lijekaru i edukacije kadra Doma zdravlja "Stari Grad" Mostar;
- nastaviti započete aktivnosti oko rješavanja problema socijalno ugroženih građana u smislu izgradnje objekata za socijalno stovanje (42 stambene jedinice na lokaciji Bafo naselje - Sutina i 30 stambenih jedinica na lokaciji Rodoč-Kolonija);
- dovršiti projekte energetske efikasnosti objekata iz domena socijalne zaštite, u ingerenciji Grada Mostara.

Kako bi se socijalna zaštita i briga o djeci i maloljetnicima uskladila s međunarodnim standardima, predviđjeti razvoj servisa u sljedećim segmentima:

- dnevni centar za djecu od 3 do 18 godina (djeca s invaliditetom, djeca u riziku od razdvajanja);
- mali porodični dom s kapacitetom do 12 djece;
- jedinica za osamostaljivanje mladih, namijenjena mladima uzrasta 16+;
- prihvatna stanica za djecu koja se nađu u skitnji i prosjačenju;
- centar za malodobne trudnice i majke s djecom do 6 mjeseci starosti;
- mobilni tim za pružanje terenskih usluga djeci i porodicama u riziku.
- U sklopu Ustanove Centar za socijalni rad Grada Mostara potrebno je uspostaviti mobilni tim koji bi putem uvezivanja vladinog i nevladinog sektora na najefikasniji način osigurao korištenje raspoloživih resursa i adekvatno zbrinjavanje postojećih i budućih korisnika navedenih servisa, kao i izrade socijalne karte korisnika.

VI TURIZAM I OKOLIŠ

Turizam

Kao dominantna privredna grana u Mostaru i istovremeno najpogodnija uslijed pandemije virusom COVID-19, turizam mora biti institucionalno organizovan, stručno voden i efikasno koordiniran kako bi se osigurao kontinuiran rast i povratak na pretpandemijski dostignuti nivo i nakon toga nastavio daljnji napredak, a poseban akcenat dati na proširenje kapaciteta i usluga Aerodroma Mostar. U oblasti turizma potrebno je:

- donijeti Strategiju razvoja turizma u Gradu Mostaru 2022–2032. godine;
- uspostaviti Službu za turizam u administraciji Gradske uprave;
- definisati Blagaj kao projektovani turistički top-proizvod;
- Aerodrom Mostar učiniti stabilnim i kvalitetnim aerodromom;
- boriti se za smanjenje sive ekonomije u turizmu (sve subjekte dovesti u jednak položaj);
- Mostar – čist grad, jer je to prva slika koju turisti dožive;
- uvesti red u parkinge na području grada;
- riješiti pitanje prosjačenja;
- povećati broj javnih toaleta;
- rekonstruirati preostali dio Ulice Braće Fejića, ukloniti saobraćaj iz navedene ulice i time stvoriti pješačku zonu privlačnu i domicilnim građanima i turistima;
- rekonstruisati put za Blagaj s izgradnjom biciklističke staze s ciljem podrške turizmu;
- nastaviti s rekonstrukcijom puta M17-Fortica s izgradnjom rekreativnih odmorišta.

Okoliš

Pod zaštitom okoliša smatra se zaštita zraka, vode i tla, a to troje čini jedinstveni ekosistem.

Mjere i politike koje ćemo poduzimati su sljedeće:

- donošenje lokalnog akcionog plana zaštite okoliša za Grad Mostar za 2022–2027.
- formiranje komunalne redarske službe (“ekološka policija”);
- povećanje energetske efikasnosti objekata u javnom vlasništvu;

- podsticanje korištenja obnovljivih izvora energije;
- stvaranje novih zelenih površina u gradu i implementiranje postojećih;
- iniciranje proglašenja Rujišta zaštićenom prirodnom zonom (park prirode);
- posvećivanje pažnje uvođenju postupaka reciklaže;
- intenzivan rad na podizanju javne svijesti o značaju zdravog okoliša i načinu zaštite okoliša;
- intenzivan rad na educiranju malih poduzetnika o finansijskim "zelenim" linijama Evropske unije koje su dostupne za BiH – zelena ekonomija i zelena radna mjesta;
- nastavak realizacije projekta „Prikupljanje i tretman otpadnih voda“ kako bi se uklonilo zagadenje rijeke Nertve;
- rješavanje problema deponovanja kućnog otpada.

VII SAOBRAĆAJ

Dosljedno i bezuvjetno provoditi Zakon o javnom redu i miru i Zakon o saobraćaju, te planski u toku mandatnog perioda 2020–2024. rješiti ključne probleme saobraćaja u kretanju i saobraćaja u mirovanju u Gradu Mostaru.

U oblasti saobraćaja poduzet ćemo sljedeće mjere:

- pristupiti izradi nove Strategije razvoja saobraćaja za period 2021–2031. godine;
- analizirati postojeće stanje saobraćaja na području Grada Mostara, te na osnovu analize postojećeg stanja i prikupljenih podataka s terena, kao i planske dokumentacije predložiti odgovarajuća rješenja poboljšanja saobraćajnog sistema, odnosno mreže saobraćajnica;
- s posebnom pažnjom pratiti razvoj putne infrastrukture prilikom izgradnje autoputa kroz lokalne zajednice na području Grada Mostara, te nećemo dozvoliti uništenje postojeće infrastrukture bez kvalitetne obnove iste;
- predložit ćemo formiranje posebne službe za upravljanje saobraćajem u gradu Mostaru koji će se baviti svim dosada spomenutim pitanjima;
- javni gradski saobraćaj učiniti povoljnim, adekvatnim i bržim.
- razvoj lokalnih cesta shodno potrebama stanovništva;

- insistirati na prekategorizaciji pojedinih lokalnih cesta u regionalne ceste (npr. Gnojnice – Blagaj – Buna – Gubavica – Pijesci), čime bi se sredstva gradskog budžeta za održavanje putnih pravaca u određenoj mjeri smanjila;
- zamjena klasičnih semaforisanih raskrsnica kružnim raskrsnicama gdje god je to stručno opravdano;
- trajno rješenje sjevernog i južnog ulaza u grad i izlaza iz grada sa znatno boljim rješenjem po pitanju sigurnosti učesnika u saobraćaju;
- zabraniti gradnju objekata bez projektom planiranog adekvatnog parkinga, odnosno ishodovane dozvole za optimalni broj parking-mjesta u zavisnosti od namjene objekta (stambena zgrada, hotel, tržni centar);
- ponovno aktivirati "Mostar parking" kako bi se uredio i regulisao mirujući saobraćaj u Gradu Mostaru;
- urediti postojeća i graditi nova parking-mjesta;
- ukloniti saobraćaj iz pješačkih zona donošenjem adekvatnih odluka.

VIII BORAČKO-INVALIDSKA ZAŠTITA

Implementirati sve odredbe Zakona o pravima branilaca i članova njihovih porodica (prava koja dosada nisu riješena, a u gradskoj su nadležnosti):

- subvencioniranje troškova naknade za pogodnosti za izgradnju porodične stambene zgrade, poslovnog prostora,
- subvencioniranje naknade za dodijeljeno gradsko građevinsko zemljište i naknade za uređenje građevinskog zemljišta.
- sagledati mogućnost dodjele neizgrađenog građevinskog zemljišta (lokacija) radi izgradnje porodičnih objekata u skladu sa zakonom i prostornim planom pripadnicima boračke populacije koji prvi put rješavaju stambeno pitanje, kao i pomoć za legalizaciju već izgrađenih porodičnih objekata;
- dati prednost pri zapošljavanju pripadnicima boračke populacije u Gradsku upravu Grada Mostara, javne ustanove i preduzeća čiji je osnivač Grad Mostar (s težištem na zapošljavanje djece šehida i poginulih boraca);
- u Budžetu Grada Mostara osigurati sredstva za pomoć u liječenju pripadnika boračke populacije (za najteže oboljenja);

- insistirat ćemo na izgradnji centralnog spomen-obilježja šehidima i poginulim borcima iz odbrambeno-oslobodilačkog rata u Gradu Mostaru.

IX KOMUNALA I PRIVREDA

Komunala

Pristupiti kompletnoj reorganizaciji komunalne službe u Gradu Mostaru s ciljem efikasnog uredenja, baziranog na dobrim praksama i vidljivim efektima, uz uspostavljanje komunalne policije ili redara.

U komunalne usluge spadaju i održavanje čistoće na javnim površinama, upravljanje objektima i uredajima javne rasvjete, djelatnost javnih parking-prostora i javnih garaža, odvodnja i prečiščavanje otpadnih voda, odvođenje atmosferskih i drugih voda s javnih površina. Dinamika čišćenja javnih saobraćajnih i zelenih površina ovisi o stepenu zaprljanosti, o kulturnim navikama i samodisciplini građana, poštivanju propisa te prirodnim nepogodama.

Na sve ovo se nadovezuje i problematika novoizgrađenih kolektora za prikupljanje, odvodnju i prečiščavanje otpadnih voda.

Da bi se osiguralo trajno i kvalitetno obavljanje komunalne djelatnosti, s ciljem očuvanja i zaštite životne sredine, neophodno je:

- izraditi lokalni plan za upravljanje otpadom;
- uspostaviti komunalnu policiju;
- uspostaviti novo jedinstveno Komunalno preduzeće, ili nastaviti „Projekat JP Komunalno d.o.o. Mostar“;
- novim prostornim planom dugoročno riješiti novu lokaciju Gradske deponije;
- jasno definisati javne površine (odrediti veličinu zelenih površina naspram broja stanovnika i gustine naseljenosti, poboljšati kvalitet i izgled zelenih površina (parkova) s akcentom na dječija igrališta);
- postaviti standard o jačini svjetlosti za različite vrste osvijetljenih površina (posebno reklamne prostore);
- postojeću rasvjetu u Gradu zamijeniti LED rasvjetom;
- u Plan prostornog uredenja uvrstiti izgradnju kanalizacionog sistema za sve aglomeracije s više od 2000 stanovnika, kako zahtijeva Direktiva Evropske unije za tretman otpadnih voda koja je

preporučena norma za tretiranje otpadnih voda u BiH;

- educirati stanovništvo o postupanju s otpadom i zaštititi životne sredine;
- popuniti službu za inspekcijske poslove i pojačati rad inspekcijskih organa;
- urediti Grad Mostar kao urbanu zonu, sa zaštitom zelenih površina;
- redovno i blagovremeno održavati horizontalnu i vertikalnu signalizaciju.

Privreda

Potpisnici ove Platforme su saglasni da je neizostavno potrebno analizirati rad svih upravljačkih i rukovodnih organa u pravnim licima u kojima Grad Mostar vrši ovlaštenja osnivača, te jedinog ili većinskog vlasnika.

Za sva preduzeća u vlasništvu Grada Mostara potrebno je:

- završiti uspostavu upravljačkih struktura;
- završiti usklađivanje svih akata vezanih za rad preduzeća sa važećom legislativom;
- izvršiti modernizaciju davanja svih usluga u Gradu;
- usaglasiti cijene komunalnih usluga s cijenama u Federaciji i BiH;
- racionalizirati troškove;
- donijeti dinamičke planove za svako javno preduzeće;
- uvesti savremene metode upravljanja, s uključivanjem svih saradnika u proces ozdravljenja i uspostave novih vrijednosti.

X URBANIZAM

Pristupanje izradi izmjena i dopuna postojećih dokumenata prostornog uredenja:

- Izrada i usvajanje novog Prostornog plana Grada Mostara
- Izrada izmjena i dopuna postojećih usvojenih i objavljenih Regulacionih planova
- Izrada novih Regulacionih planova za područja u obuhvatima Režima građenja R-1

Koalicija za Mostar 2020 će se maksimalno založiti za što brže otvaranje procesa gradnje na lokalitetu Sjevernog logora, kako stambenih tako i obrazovnih, sportskih i privrednih objekata na tom lokalitetu.

Isti pristup **Koalicija za Mostar 2020** ima i prema lokalitetima južne, industrijske zone, zatim poduzetničke zone Vrapčići i Salakovac, kao i stavljanje u funkciju lokaliteta bazena uz jezero HE Mostar u Vrapčićima s ciljem ubrzavanja ekonomskog razvoja i otvaranja novih radnih mjesto.

U dijelu Urbanistički plan treba definisati – zelene površine i pristup zelenim površinama, uslove uredenja zelenih površina, uslove zaštite od buke, vibracija, emisije u zrak i sl.

Uslovi opremanja i uredenja građevinskog zemljišta treba da obuhvate i propisane uslove za uredenje javnih zelenih površina, parkova, nasada, travnjaka i drugih objekata pejzažne arhitekture.

Urbanističko-tehnički uslovi za izdavanje urbanističke saglasnosti treba da sadrže i uslove propisane za uredenje zelenih površina na građevinskoj parceli.

Izraditi studiju i strategiju razvoja zelene infrastrukture Grada Mostara.

Staviti u funkciju informacijski sistem zelenih površina grada, kako bi mogao započeti proces prikupljanja prostornih i morfoloških podatke o stanju pojedinih biljnih jedinki.

Uraditi Katastar zelenila kao dio GIS-a Grada Mostara.

Intervencije na vraćanju u prvobitno stanje obala rijeke Neretve i nji-

hovo uređenje, značajno je za očuvanje autentičnog i tradicionalnog izgleda grada, uklanjanje divljih deponija smeća i vegetacije koja se nalazi na njima, izgradnja i realizacija projekta u skladu sa ekološkim, ambijentalnim i tradicionalnim stilom na obalama rijeke Neretve – dugogodišnji projekat.

Ključni gradski projekti obnove i razvoja

Pristupiti stručnoj, planskoj i ubrzanoj obnovi svih porušenih objekata u Gradu Mostaru s posebnim akcentom na Centralnu zonu Grada, na način da u urbanističko-architektonskom smislu, kao i kroz zaštitu, obnovu i revitalizaciju objekata i očuvanje njihovih kulturno-historijskih vrijednosti ili uskladivanja sa savremenim potrebama i gradskim funkcijama, ta zona bude zona spajanja, a ne zona razdvajanja.

Prioritetno intenzivirati rješavanje nezavršenih kapitalnih infrastrukturnih projekata:

- Rehabilitacija ekonomskih zona – uvođenje novih tehnologija
- Mostar Smart city: izgradnja digitalne infrastrukture grada
- Komunalni otpad: novi sistem prikupljanja i deponovanja
- Izgradnja novih parking-garaža ukupnog kapaciteta 5000 vozila
- Djevojačka škola: trgovacko-hotelski centar
- Zgrada Stare opštine: muzej umjetnosti s podzemnom garažom
- Završetak Fejićeve ulice
- Izgradnja rezervoara za vodu Sutina radi sigurnog vodosnabdijevanja Grada
- Osigurati vodosnabdijevanje za sva gradska naselja
- Rekonstrukcija puta za Blagaj sa biciklističkom stazom
- U skladu sa prostornim planom ubrzati izdavanje koncesija za projekte proizvodnje za solarne i vjetro energije

XI ODNOS PREMA VJERSKIM ZAJEDNICAMA

Podržavamo djelovanje svih vjerskih zajednica i zalažemo se za punu autonomiju rada vjerskih zajednica i striktno poštivanje te autonomije.

Nastojat ćemo osigurati podršku za obnovu oštećenih i porušenih vjerskih objekata, kao i posebna sredstva za održavanje vjerskih objekata koji predstavljaju dio kulturno-historijskog naslijeđa.

Zalagat ćemo se za vraćanje oduzete imovine vjerskim zajednicama. Podržat ćemo politiku dodjele gradskog građevinskog zemljišta za izgradnju objekata za potrebe vjerskih zajednica pod posebnim pogodnostima.

Ubijedeni u veliku podršku građana Mostara na Lokalnim izborima 2020. godine, **Koalicija za Mostar 2020** će nakon formiranja vladajuće većine, insistirati da se mjere navedene u ovoj izbornoj platformi ugrade u Program rada Gradskog vijeća i Gradonačelnika Grada Mostara za mandatni period 2020-2024, sa preciznim rokovima i nosiocima aktivnosti.

Mjere iz ove platforme će se rješavati po prioritetima i uskladjavati sa mogućnostima obezbjedenja potrebnih finansijskih sredstava, o čemu će građani Mostara biti redovno informisani.

Svjesni smo da pojedini projekti zahtijevaju duži vremenski period za kvalitetnu pripremu i realizaciju, te ćemo to definisati u strategijama koje će biti izrađene.“

**SVE ZA MOSTAR
KOALICIJA ZA MOSTAR 2020**



SVEZA MOSTAR

WWW.KOALICIJAZAMOSTAR2020.BA